

四庫全書

集部

欽定四庫全書

西河集卷一百六十五

翰林院檢討毛奇齡撰

七言古詩

十一

吳興太守行

吳興太守本仙吏早題姓字慈恩寺興來豪客坐滿牀  
數斗烏程不知醉拂衣歸去無一錢攜家住閭門邊  
從事作詩好合集吏部出行那有船當年相過慧曉宅

對客揮毫似飛翮天半流霞總失妍閨中刺繡皆無色  
夫君自是園季倫採芝處處忘冬春肯將商洛山中客

還作留侯門下人

時太守方辭  
薦辟故云

昔日篇送任令南還上海兼示王十六舍人

昔者結髮共文硯王韓及君成一龍

王舍人先吉韓孝  
庶日昌任上海辰

旦與予同學于  
先教諭門下

舍人孝廉久通籍君亦為令開吳淞予

以龍尾不得意索食兩入泖浦中會當

天子召文學郡吏已仕皆令從通經應詔孔子夏長史

被徵黃次公炎風暑雨一就道逡巡獻賦明光宮爾時  
賜宴接袵袂猶記拜箸分脆臙何意詞業入祕閣既取  
復落神物工遂令李邵生感激抗書欲上不得通春明  
碧柳盡拋絮太液露荷將放紅徵車南返各祖帳使我  
泪滴樽盤空制科自古雖縝重歷代沿廢難盡同之官  
魏相自能達留京鄭昉當安庸不觀退之試宏博三試  
三却無赧容獨憐予友各散處仕止輾轉如轉蓬予復  
遲暮滯京邑南望獨立心忡忡吳淞潮上海雲起君應

報最入奏功明年舍人儻就判為君佇望雙飛鴻

夏杪集宋大司馬宅觀諸名伎偕同館諸子即

席

長安六月手獵蠅西堂午琢銀牀冰花梢捲出雲棚敞  
桃竹鋪來夏簟清尚書朝罷理杯筓彷彿當年飲河朔  
護索彈將塞上聲參差吹遍江南樂金槽軋札銅椀鳴  
五絃三調傳新聲段師曹保賀懷智供奉

御前皆有名雕闌雜坐列彝鼎佳客滿城紛名請門下

通居白玉堂後來總住紅蘭省卸衣還脫袖中麻據席  
不窺甑上影石枰玉局闌樂方挫糟漉酪呵涼漿釣魚  
作鱠供仙史籠餅加蔥有侍郎肴蔬錯列擬公讌對榻  
抽毫弄文翰鄴下方看楨粲來梁園未許賓朋散葵根  
度日暑漸收登臺月上金波流平沙水落玉河堰雲起  
夜封宣武樓華燈影裏呷鵝管遙望西山正蝘蜒倚檻  
平垂斗帳斜開軒坐對譙門晚自憐臣朔長苦飢短轅  
轆轤如鷄栖何期暫與蓬池會頓使涼風生葛衣

上高陽相公詩

有序

予以康熙戊午應

召入都蒙高陽相公日揀予舊文繙閱由繹獎引過當  
感而為之詩

國家安攘三十載台階藉藉稱高陽兩朝首輔越廿禩  
青瞳綠髮齒未央差我當軸領政事海內于今號長治  
但向詞頭判綵毫不須敕尾添花字年來晨夕苦黽勉  
日上黃扉駐小輦食案朝垂簾宿寒火城夜照沙堤煖

祇緣親近贊密勿每佐

皇威遏回適當機不使殿外知祕旨長教閣中出即令  
江漢將洗兵王師捷伐還連營已平昭義盧從史須討  
荆南劉漢宏以茲克詰煩

廟算况復中原甫安奠借箸重為策治安求衣自合分  
宵旰恭逢

聖主方好文將尋干羽銷兵氛

詔書五色自天下徵車四集如雲屯東堂發策未親試



預聆諸儒使談議晁錯難傳誓誥文買臣未解春秋義  
相公明哲本神授矧向天人早窮究嘗通墳典作蟲書  
豈止山經辨禺獸顧斯末學類蠛蠓肯為申韓較優劣  
不道元臣總萬幾翻從下士求三哲嗟予出處兩未全  
懷文獻賦悲徒然樊川空挾阿房賦崔顥徒多輕薄篇  
其如河海誅蕩蕩能問春流細無恙裴令優容不可名  
謝公齒頰真難量紛紜冊府未引逸猶自燃藜照緹裘  
書因都護剖蘭筋賦使相如解盧橘固知名教自有主

致治何須誦論語功德方看過富韓文章早已歸燕許  
煌煌景運啟未遲要令相業傳康熙明年收復湖湘路  
願上元和聖德詩

飲次書梁陶侶世兄便面

陶侶為司農夫子從  
子猪市即夫子邨里

幽蘭在谷芝在田謝家子弟多名賢朝陽門外騎馬去  
為汝一停猪市間紅顏綠髮將佩組腰下羅囊不曾賭  
衛瓘書名擅北堂野王畫法跨東府臙脂河上流水新  
酒家舊賣中山春幾時同返恒陽路重醉金門飢死人

西臺先生行奉送臨海馮少司寇塋親請假歸里

西臺先生似威鳳早上金堂拂雲棟閱閱高于桐柏山  
房櫳蓋在桃花洞當時司法蒞永昌博南開後通瀾滄  
九龍不擾銀生地五聽長臨金齒傍自言家世嬪駿烈  
兩見高堂秉奇節劉毅冬銜祖母芹楊憑少吮慈親血  
陳情久已痛烏烏獨迎萬里潘生輿東征賦就白蠻樹  
南郡辭將青海魚中丞入告賜表揭章安城邈監雙闕

五花

錫命珂帔殊剛在裴家建坊節無何移守石鼓城阿儂  
盜弄潢地兵歸朝欲表鄭虔志道梗頓違徐庶情踉蹌  
回任遭母疾路賤天遙哭相失誰能辛苦賊中來鑒此  
孤忠晉華秩都官力贊

廟算行樓船潢浦檣昆明三巴六詔喜盡滅孤櫬一舟  
悲未迎因之解組叫閭闔

天子隆恩降優答嶢然忠孝具能全况復妻孥此時合

秋花初發繞玉街離亭欲別還銜杯故鄉墳墓望何許  
令我惻惻徒傷懷大江東下數歸驛天姥嵯峨下窀穸  
窀戶封來繡閣雲壇碑琢出寒山石偉元廬墓歲月閒  
謝公舊墅難追攀何年丹穴歸棲羽仍向瑤臺縱翩還

徐母邵夫人壽詩

徐繼思之配  
汾之母也

往與徐汾父子友比之阮籍交二王夫人令妻併壽母  
既賢且哲能文章最憐老友入林去遠向寒山憇雙樹  
許邁徒傳阿閣書梁生不在皋橋住我昔從行恨未力

廿載相違苦相憶今來堂上拜女師尚見芳樽照顏色  
清秋明月出每遲玉臺皎鏡光離離若嫌祝誦無佳句  
自有庭前孝穆詩

徐二將歸暫寄湖南周開府里第過別有贈

徐樂上書不得意將乘款段歸南山黃金用盡敝裘裂  
何計得還烟水間長安四月方苦熱日飲冰漿類沃雪  
鹽車欲駕去住難忽遇孫陽泪如泄菖蒲酒暖梔子香  
新裁越布單衫長湘南節度如堪倚且住城西舊草堂

題文待詔雪圖奉送高少司寇還般山

何年蒼筆寫顛景鹽花刻作山谷春孤懷瀕洞當洗淪  
兩目豁達開風塵伊誰蓄此作寶秘般山先生得真意  
圖畫恒留處士吟烟嵐不待官家賜當時出入金馬廬  
蓬丘瀛海連江湖夢游已聽鈞天樂草詔還呈紫府書  
集賢學士乞歸去家近函山傍雲霧溪上銜將陶汚杯  
園中種得於陵樹最憐良馬卸鞵鞞偏借都官坐赤棘  
柳惠馬能作士師曾參未許詔刑辟西臺高臥對白雲

還家久已忘冬春始知羞行貴有守誰謂侍郎難得人  
聖明下詔策災異執法承顏舉遺棄咸道先生風概殊  
能使頑廉懦立志先生磊落披敝裘寄居蕭寺翻經樓  
馬芻一束苦戀棧蠹紙半牀兼覆甌修容靜與巖壑暝  
論史決若江河流思以祗德代請讞勝彼木鐸警庶郵  
長官當白不當白豈向斯世爭沈浮清秋遙夜雨初歇  
正遇棠村授師說時司農夫子招飲下直沿街燈火紅高軒到  
座星辰豁翛然相對澹欲忘後譚莊列前羲皇宛如鄭



縈負驢背宵行風雪灞澹傍不然湏上借書去冒雪一  
詣張君房纖埃不起林落淨奚啻澆水滌繒囊斯時祇  
恐絆鞅轡霜深露滑增徬徨何期

聖明轉浩蕩特許還山遂微尚白雲出岫本無心黃鵠  
摩天總難量長洲待詔筆法精雪圖千載光芒生寒冬  
把此欲歸去瑤天粉地千山明山前有人騎馬行

大雪陪益都夫子游善果寺歸燈下同夫子和

陳檢討詩一人呼韻一人給寫信口占叶不

許停刻時王二舍人胡徵君在旁知狀後舍  
人亦有和詩紀其事

天將大雪早作霰譬如拆木先拆芽須臾拋落若柳絮  
細細剪出天工葩既非車下撲塵土復異柁底揚風沙  
祇覺雙林萬枝亞一望簇簇若枅枒是日本欲詣初地  
後車將發興有加寺門石幢掛秋草似我白首雙垂髻  
毳羽漫空不遽墮瓊瑤在地豈敢挈驟臻方丈恍突室  
一燈黯黯圍舊紗堂中鐘鼓響還寂令我冥會成無遮

伊蒲作供飯未罷午鴉啼過啼晚鴉重登高閣遠眺望  
共驚銀海翻龍蛇雁王一塔藏貝葉獅子雙脊馱僧伽  
彼此相峙總難辨就中密織如亂麻况當說法散花雨  
豈有錫米能膠牙浴堂煎出功德水銅盤澁澁傾流霞  
淙淙瀆盥發細響不數隔水彈箏琶即此享受亦已過  
世間何用矜豪奢揮灑既畢重就坐寺僧復進龍乳茶  
南泉既遠趙州去不須齒舌相勾爬歸來暝色暗前路  
出門惘惘同天涯誰知夜半燭牕發依然落筆風雨斜

寄贈淮安王君七十并示令子文學

少年曾作淮陰游，伍胥廟傍尋酒樓。此時酣飲鮮雜客，  
座上往往來王猷。繁花當牕午雲熱，醉餘隔院聽楚謳。  
因之登堂拜獻老，有若健柏凌嵩丘。迄今廿載憶朋舊，  
夢回月出清淮流。但聞市少已漸散，縱有亦復非黑頭。  
昨來徵車稅城下，欲入不得爛兩眸。猶幸同館盡相識，  
淮市三子居最優。其中李生與王氏，謂李編修鎧也實為羊鄧  
深綢繆。况當獻老年七十秩，閣將復傾庶羞彥。方高志

但居里逸少愛閒長汎舟那能侍杖效憲乞一觴捧出  
丹霞浮長安雨歇鴻雁發蓬池水落芙蓉秋千年碧藕  
欲攬寄凍瀋三挫成一甌人生得歲貴適意為我寄語  
且縮筭不信但看服綵者在家亦已扶鳴鳩

時令子亦  
五十初度

此日行寄祝益都夫子八十

當年召試入帝京中書門下曾報名益都夫子典詞業  
手把繩斗彈墨餅並言

朝右方倚芘眷此黃髮為民正其時正值授杖歲將進

三列作五更盈庭憲乞予敢後因之扶服獻鼎劍無如  
東望起歸興一日三疏乞解鞵

天子特詔宴禁籞中使扶侍周遭行題籤書絹并篆石  
宸賜優渥如雨傾遣官持節送還里長安車馬填郊坰  
不期此事已十載予亦南畝三耨杭曾因請急過通德

佳山治水風光并

佳山堂治湖  
皆益都住處

凌晨啜茗聽笙瑟傍晚

種竹量雨晴出郭相訪誰氏叟將車剛及予門生曾幾  
何時忽彈指賜杖復得中壽稱三公雄健過伯始九老

繪畫比武城生人聚散有定數矧予遲暮非壯齡再拜  
不得親獻杓一心終自同搖旌東方花木及春發

南狩鑿馭將時乘醪醴滿甕漫斟酌烟霞萬里須丁寧  
非熊八十儻還載此日正逢渭水清

寄祝姚少保六十初度

大鵬搏扶越九萬林間斤鷄猶決捨丈夫致身亦有會  
安能刺促枌榆傍當予少小擅文賦即聞上國壇坫張  
衣冠輻輳徒輦集鐘鏞在序鼓在房譬則齊晉大九合

下士受約如江黃中間較文試帖括猶然領解在帝鄉  
一朝烽火遍南服夜起趨躍加騰驤傾裝買鐵募死士  
叩馬一謁沛獻王左手草檄右殺賊遂平甌越恢閩疆  
習書請兵張仲武麾扇克敵謝彥章

天子嘉嘆遽錫命驟令開府建羽幢破蜀竇執授神策  
平吳杜預封當陽論功不下大將列銘德乃過元舅行  
至今溟海凜威惠環瀛萬里無波揚予忝梓里就史職  
索筆往往書旗常况當弧矢罍綵箴道遠亦欲進一觴



幸頒金匱誓泰礪將標銅柱凌扶桑臨風何以致稱祝  
神山截窠海水長

烏栖篇為晉江范貞姑作

青陵臺畔清霜飛秦家桂樹烏獨栖餐茶茹藥三十載  
石闕久銜悲復悲春花秋月宛然在辛苦携雛羽毛瘁  
撒饌長依庖約兄寒房只坐張玄妹

姑依兄鄭山  
公選郎故云慈烏

反哺尾畢通膝前有子傳詩書他時六翮翻雲去始信  
人間有鳳雛

題董都護記年圖兼送其軍鎮萬州

江都弄環日能賦  
梔子詩庭下五色雀  
相視非常兒  
移時學字擅八體  
鵲反鸞驚并鷹  
跼偶寫烟巒  
點拂奇畫地步  
天餘技耳因挽楊  
葉射枝戟遂入

天階獻高策  
毅騎分垂都尉符  
驚文自草叅軍檄  
從容渡海征  
斛羅盧循遠徙  
藏流波明廷加節  
授督護開府正當  
儋耳河

賜衣不著但緩帶  
徐步蒼林石塘外  
野人相遇誰得知

試看當年好圖畫書生意氣本自奇虎頭豈是尋常姿  
留形丘壑無不可為龍還復為蛟螭青門設祖請祓軾  
一展斯圖壯容色他日功成倘鑄金碧帶青帟尚能識

送梅庚赴江南田使君幕和其留別原韻同陸

大即席

昔年曾作蘆中人蓬萊幾度看揚塵但逢東海孫賓石  
不遇南昌梅子真長安忽邁載文軸把筆如櫺幘如屋  
入座皆嫌倒屣遲當筵但道揮毫速年來好酒惡水淫

醉歸敲醒街頭砧蘭成自有閒園賦李勉難忘戀闕心

同時大陸本舊識

謂陸冰修也

曲巷茹蘆日相即久知豪客

自情親堪笑世人皆耳食才大驚疑總在胸官貧薦引

全無力金臺名駿服輒多宮中誰肯憐姪娥誰知幕下

得賢主頓如尺水生微波

時冰修同落筆見幕下句驚曰何以合波字及得此句遂

擲筆嘆絕

雙橋相對草堂近澄江一望迷林柯高旌前導畫

熊虎屬車後載環馬驟南行有客辨車鐸相逢莫使然

疑作發冊應過玉笥山聽鐘猶在昇元閣只愁良友去

薊門每上河橋輒作惡陸生預道蕭山毛臨行一曲唱  
且高不虞漏盡鷄三號珊瑚鞭欲揮心轉勞金繩墮地玉  
壺罄願君還聽歌聲豪

陳明府選之遇于長安街飲次索贈

朔風吹凍塵不飛道傍車馬如鷄栖天安門外柳條短  
回首一逢薜荔衣清安濯濯負意氣我友陳生好難弟  
挾管長從鳳闕游揮金不計蠅頭利行年剛及強仕辰  
將紆墨綬拖黃銀陳遵自昔能驚座孺子由來不厭貧

獨言賦性愛山澤每向蘭亭探遺蹟太守祠邊醜酒紅  
柳姑廟後翻魚白今來偶寄碣石宮有人獨坐還書空  
何時解組賦歸去與君把臂深林中長安邂逅值冬節  
幸對旗亭酒初冽腰下雙鉤解照人且看春明杏花發

送林使君督學河南

東家拾明月傳視不能識青黃蔽前林誰能辨容色晉  
安才子林使君文章翕霽如蒸雲與予同館者曹子偕  
過泰山為主文

聖人大悅加獎譽旋使中原視學去劍氣長飛龍子灘  
鹽車早辨羊腸路春風二月柳滿街御河流水當行杯  
南行已及清明後少室山前花正開

陸生赴蘓州幕

陸倕名在沈謝間垂老被召來燕闕龐巖李益不敢薦  
三年將返支硎山蘓州使相甫開幕便展干旄導情悽  
臨海還招鮑照歸渡江且逐陳琳去吳中故舊多隱淪  
草堂仍築東湖濱浣花不厭主賓晚種菊愛看鄉井春

只愁曲巷鮮憑軾石鼓遺文倩誰識韓愈曾言空馬羣  
一顧燕臺泪霑臆

送家太史假歸新安

長安朝暮送行地西有張掖東沙河每臨祖席發歸思  
曰歸不歸思若何憶昔徵車乍來赴本欲還山乞歸去  
光宅先教宿李璠直言必欲留裴素吾宗就試得數人  
林間二阮叨同倫雲陽舊令舉復罷謂祥符令會侯也叔氏妙  
才人盡聞揆天徹地藻思闢嘗見揮毫趣飛翮國子通



傳虎觀文獻王親受京房易

太史為  
免親王授經

伊勒

集賢載筆

入丹地便遣方平撰前記制舉從來待異材史書豈是  
尋常事嗟予落托百不成長沙舊譜依泉明霜前銅獸  
當廳列日跨疲驢逐隊行如何叔氏掉頭早鎮自陳情  
痛烏烏婺女瞻來橘嶂寒客星歸傍桐江曉予于去住  
願總違豈難遽著青羅衣慙于史局未能了覺與世數  
終相岐秋林柿熟菊初發此去蘆溝看新月詘指明年  
還院時仍在清商戒寒節軟塵著雨衣未乾滄浪自昔


推新安冠纓濯罷如相望知在天邊風露間

新安有天  
邊風露樓

銜魚篇贈廣文盧先生

先生本是麟龍姿偶來提領宣聖祠鄉書早展冠國士  
臯比坐擁為人師翛然高舉蘊飛翮羞向長安再投策  
魏世文章重子欽漢儒學行推盧植秋花開發絳帳寒  
閒堂撤牖襟懷寬青氈不用氍毹布美饌長揮首宿盤  
生平月旦重閭里冰鑑當胸似清泚不教魚目混明珠  
誰抱寒桐對流水蕪文好我如嗜癖天涯汗漫知音稀

願為堂上銜魚鳥長傍秋花遶遶飛



西河集卷一百六十五

欽定四庫全書

集部

西河集卷一百六十六

詳校官編修<sub>臣</sub>曹城

助教<sub>臣</sub>常循覆勘

總校官庶吉士<sub>臣</sub>倉聖脉

校對官編修<sub>臣</sub>沈清藻

謄錄監生<sub>臣</sub>劉書

欽定四庫全書

馮河集卷一百六十六

翰林院檢討毛奇齡撰

七言古詩

二十

題松下芝萱圖

謝庭艷艷產紫芝北堂護樹生華滋長洲畫師解幽意

畫師盧逸長洲人

翩翩寫傍青松絲金冠玉鞵間朱蒂翠羽紫

翹橫碧枝一種能釋壯士怨九莖堪作商山思煌扈在

庭集衣履繽紛滿座饒文辭要知石上松鱗長便識人  
間歲月遲

暮春二十六日張宏軒刺史宅牡丹初開預作  
催花小集歡讌竟日同馬廣文朱郡丞周孝  
廉楊生絃索女較書玉烟陳婉

春風吹日上畫牆名花倚檻將生香張家舊種嬾洛下  
丹州越州難比方蓓蕾初發一相見油壁重重捲嬌面  
游子將為贈芍吟主人預啓催花宴瑀臆琢石前後通

青娥雜坐雙顏紅綺羅試著甫開裂  
照粉薄施如未融  
須臾雨至灑幃幙翠幃雲屏裹來薄  
小沐愁看鬢攏分  
新粧恐漱唇脂落  
高歌幾疊夜色移  
當筵爭瀉黃金卮  
妖絲曼筦次第作  
傾城相顧猶顰眉  
城頭吹角忽雨霽  
蠟椀膏毬置花裏  
赧面羞從泪洗餘  
醉眠嬌倩人扶起  
婀娜前後互相映  
中坐雙鬟典觴政  
燈前恍闕晚粧新  
閣下莫嫌春漏靜  
名花從此當漸開  
主人邀客還重來  
雨餘不忍辭花去  
更向花前醉一回

答和沈東園贈別作蕙示王西園

我來游滬城便思梅花源梅花開時不得見行見蜀葵  
開滿園西園王子為我說維此園東有人傑築塢能留  
黃浦雲長陂每泛藍田雪良朋高會如永和花間載酒  
常經過到門私喜無題鳳落筆還驚好換鵝相思久欲  
贈瑤草况與君家翰林好錄別愁看夏雨寒何期晤對  
申江曉木又庵前紅藕陂圖來為汝方題詩長帆初掛  
海潮上握手反嫌相見遲薰風拂拂起前路寄語西園



道歸去他日相思倘卜隣當造梅花最深處

紅橋酒散別曹明府

東京名士曹叔通讀書磊落稱文雄十年相憶始相見  
載酒只看花樹紅平泉莊南啟高閣倚檻曾經度黃鶴  
石磴空垂四面蘿瑠欄新種千年藥當時試宰在睦州  
青簾高掛滄江流懷組入官本慷慨角巾歸第何優游  
迄今相對理疇昔每向嚴灘泝潮汐况我長為灘上人  
解纜將行泪沾臆榴花初發開錦筵美人雜坐彈朱絃

欲知他日相思處只在紅橋綠樹邊

春夜飲趙舍人宅同諸公作

春城飛蓋度南陌夜聽歌鐘啟華席世族原推宣孟家  
滿堂尚坐平原客烹椒和芍斫巨鱗披襟共醉蘭陵春  
主人意氣拔雲漢是誰雄辨翻河津重門夜久待擊檮  
手把深杯莫教却醉看當筵月上時便見階前放紅藥

青雲辭奉呈益都相公書事

皇帝踐祚一十七詔遣求賢重經術廷臣內外交薦揚

惟恐菟羅有遺失堂堂公府推益都泰階早建元臣模  
星辰照地啓遙矚仁壽格天開令符闢門撤牖進巖穴  
每遇縫衣肯折節一時名士歸杜淹無數高文過張說  
嗟予詘處東海濱十年奔走忘冬春少為吳市吹篳客  
老作安丘賣餅人何期間里甫偃仰北府南司遞相獎  
蒯徹佯推東郭生鍾君誤薦西亭長秋風颭颭九月寒  
布衣草屨來長安挾書欲上苦局促懷刺未投空往還  
縵胡短後走落拓時向天街問寥廓掃去知為丞相門

望中何處公孫閣先生大度括九有日布弘幃被廣畝  
迎來田實不下牀却為王符倒屣久鳳味龍鬣不易攀  
置身疑在青雲端虛懷只覺渤海淺溫語頓令寒谷暄  
逡巡瞻拜嘆遲暮折簡重邀酌青醕釜熟能傳鍾傅銘  
筵前許借蕭何筭方園濕燥左右排就中銅鼎加鹽梅  
佳魚總向天廚出美酒多從賜膳來殷勤厚意轉相屬  
百福千祥慢教祝銜澤深於濫湫杯餘光照向參差燭  
獨憐布被甫覆踝日捨黃綿裹寒者庭前隙地僅馬旋

翻為儒生賞高厦只此閩惠非偶然授餐適館昭前賢  
杜陵果愜萬間志姬旦豈徒三握傳况當

天子念寒士先料徵車給廩秭

時徵車到都者朝  
廷喻度支議給廩米水

部分將主父錢金門預受東方米

聖君賢相邁一時嗟予後至猶逢之謂予瑣瑣倘不信  
請看今日青雲辭

淮陰李貞女詩

春城狹巷種烏漆秦氏樓頭閉朝日碧葉垂絲斷未連

紅襟小燕飛難匹長淮嬌女年甫笄當牕便詠共姜詩  
行廬拖帳早相失單幌複衿誰與施淮流活活向東去  
三十春風等閒度若問城南陌上桑但指山前女貞樹

瞿山畫松歌和施學士

生年不識慈仁松曾觀三鬣圖畫中今來習見轉感縮  
何如尋向雲門峰宣州學士顧我說柏視山人負高節  
能于指下作怪形跛虎攀龍互吞嚙祇須捉鼻誘其畫  
墨瀋膠漿雜鵝炙但吟小句綠牕間便寫高枝碧山下

時瞿山以營丘作畫不贈人空畫五葉長等身豈如蘸  
畫松易詩

筆換詩句詠歌倍覺生精神  
大荒拒格有老幹一幹發  
作千年春第恐地窄絹牀短  
手捫脚蹴非其真學士索  
畫強自呻我亦竊效東家顰  
他年築居儻與隣連予寫  
入清溪濱溪傍一松千萬鱗

雪中集梅庄主人何使君邸第有贈

朔風習習海雁鳴燕關千里同雲生  
會稽太守本廉吏  
歸却一錢舊有名蕭條獨上郡國邸  
將挾新書獻

天子隘卷雙輪駐若雲當軒一榻清如水相從對酒并  
論文門生故吏還紛紛題詩不讓杜老句妙筆欲寫羊生  
帚珠繩宛轉傍東壁玉琯吹葭動寒色何處相看雪最  
多禁城西去梅花白

題喬侍讀侍直圖

天開閭闔鷓首明宮鴉初噪朝烟生侍臣入直每問夜  
路白便催騎馬行龍旗未辨槍壘色雞樹但覺枝柯清  
至尊臨御恍日出左右羅列當星熒東華奏啟六曹賸



南下立傍雙柱橫終日橐筆但記事有時顧問還呼名  
丹詔偶頒識機密誰捧黃匣如橋衡我友少擅司馬賦  
當時曾遇甘羅城比之鴛鴦戴九羽飛集牖下相顧驚  
嘗寄鸞閣掌書命儼繫牛紉難升騰一朝入試得高等  
遞膺著作承明庭對策固知郤詵善賜璽獨言李絳能  
東堂草制白麻淨北向謨冊金版精內坊封罌瀉綠水  
便殿賞帶加紅鞞胸襟開來山月豁面藥傅去盤露傾  
每因進講入藥宿幾度課藝留延英春風吹吹苑花發

宮門輪入隨班迎良工繪圖寫容色觀者有若睹曙星  
予忝同事共筆札明將歸去呵尊羨臨行開卷一展觀  
令我感激雙泪零丈夫生世貴特達安能縮結同寒蠅  
不見

黃衣斧棖下有人戴縱從左升

題松岩撫琴圖

長松差我幾千尺斜傍深林倚危石中有高人抱膝吟  
雙顏尚駐桃花色當年任俠游兩河紛紛趙李相經過

劍光淬落若流水筆陣橫掃成陂陀東歸萬里謝侯幕  
散盡千金復垂橐醉向金華驅石羊閒從海上看雲鶴  
我來把臂滄水濱畫圖相對清心神感遇不吟楚妃嘆  
知音要與鍾期親手揮綠綺郅巾幘何物長康好筆力  
寫置松崑片石間相見何人不相識

題松鶴圖為一聞師壽

高松百尺臨溪邊上有松子垂千年團團紅日松頂出  
照來萬里滄江烟翩翾林際舞一鶴遠駕長空度寥廓

篩翅長疑白雪消，低頭乍恐丹砂落。閒來自得杳不飛，  
不臨金闕隨瑤池。幽崑松下起長嘯，但見綠陰生素衣。  
題燕市酒人圖歌

酒人曾向燕市過，玉缸銀海長婆娑。興來殺賊且摩盾，  
時去看雲還枕戈。荆南十載等閒度，肘後黃金棄不顧。  
但垂絳帳授生徒，羞向長門賣詞賦。平生曳裾苦未能，  
酒徒散盡仍追陪。草堂並道盱眙好，與汝行歌歸去來。

將築歸來草堂

于盱眙故云

留別張中憲錫懌有感

曲江先生負文望，攝江湖有餘量。好學長疏左氏書，  
高才不讓河間相。當年厭處金馬門，泰山太守由來尊。  
拂衣歸向春申浦，種樹營成裴令園。我游海上漫投刺，  
把臂雄談快人事。戶外千迴過客車，懷中十載相思字。  
方春初發桃李枝，躡青挑菜時相攜。筵前張子碧山榼，  
簾捲夏侯紅妓衣。鄴宮高宴具四美，雜坐中間有史媿。  
長調笙笛共箏箏，不問清明蕪上已。聽殘鷓鴣日漸長，

葛帳未試蒲葵香西陵草暗欲歸去頻把玉盃看夕陽  
平船將趁暮潮上為唱離歌轉惆悵綺席重開惜過情  
布帆比去應無恙謝公東墅一望遙何年相憶還相招  
當前欲別思何似不見垂楊幾萬條

甲寅九月廿七日同任青崑張百修訪放斧蛤  
庵兩和上復過楊雲士齋看菊漫賦

青崑招我訪雲水偕之同看東籬花高低錯出似攢錦  
紅白間開如剪紗自憐秋老嘆遲暮每見秋花便相顧

佛頭樓子開最先今來不數黃金錢

何使君壽

天生申甫必有為世人咸望嵩高山况兼賢哲多瑞應  
蒼龍紫宿居人間廬江夫子越州守治郡能使一郡安  
鳥棲獸宿偃平野魚符虎竹通嚴關九日開宴別父老  
黃童白叟號且攀礮石鐫文臥道左負筥擔囊留轍鏤  
惟予投壁遭按劍夫子為我抽泥蟠晏嬰不責越石傲  
逢人薦引齒頰繁去年長至值初度飢驅吳會曾修翰

今來攝提又看指登堂獻酒琥珀殷生人有心能感激  
鏤膺剌胃豈冥頑若言仁者壽何算請看春日方漫漫  
過益都相公三世兄躬暨賦贈

從來雲閣推世德東京楊鄧西金張况當賢相饒令嗣  
八龍三虎雙鳳皇就中林立並皦皦能繼難兄佩刀早  
縣浦從教白璧殊盈箱不羨黃金好但看簡抑似韋布  
只與詩書共晨暮門生故吏趨滿前食脍乘堅恥相互  
即予落拓寓京邸長過高齋被優齒下士能尋商洛儒



殊編搜及開元禮始知家學自有真寒風相對怡心神  
牕前草木陽和動坐看花開滿地春

雲間張公孫伎席作

清河主人好趨府傾蓋相逢道肺腑顓氣能傳趙勝名  
高門開向春申浦暮春三月桃樹紅單衫試著臨春風  
樽前鼎食儼魚鳳巷邊車馬如游龍東西捲幔覆花葉  
日上牕紗撲蝴蝶名士同披白帔巾美人競薦烏絲屨  
蘭膏樺燭入夜陳當筵舞作尋橦新畫裙繡帶盤旋處

滿地花陰思煞人

馮守同四十索贈

敬亭初發棗花碧陵陽自煮丹砂紅持之欲獻者誰子  
宣城高士馮守同行年四十負意氣嘗與干將較銛利  
相逢茂苑最有情當塗鬱鬱青雲生

入春庭梅未開偶為同城姚士重孝廉作畫梅  
蒙以畫梅長歌見贈中憶西園看梅事率筆

賦答

朔風冽冽冰皚皚雪花倒地捲作堆入春一月雪未霽  
庭前未有梅花開樅陽才子客湘水最愛毛姓畫花卉  
紙上從教見早梅枝頭故復添新蕾停毫宛轉思美人  
一枝恍寄江南春誰知相顧起感慨翹首放歌如有神  
江南千里邁春月閣下梅花正當發獨立方傳韋相詩  
同游爭結王生襪君家世胄不可當一門羣從超諸王  
春風吹度鳴珂里芳草生當朱雀航東觀禹穴渡江訖  
官閣相羈偶然耳但藉荒厨對步兵

時寓其叔  
蕭山署中

何須

古驛逢梅使春空一望生羽翰君將獻賦游長安薊門  
亦有梅如雪願把斯圖雪後看

祝來叔荀王夫人夫婦六十偕壽

少與叔荀共文酒市樓大道彈陽春今來漸覺毛髮改  
看君玉杖扶鄉人山庄花發秋正曉最喜閨中得偕老  
開徑方逢羊仲來齊眉轉覺鴻妻好錦筵雙進金屈卮  
後來年少推烏衣採薇劔朮總閒事但見滿庭開紫芝

送同年陸義山編修歸當湖

春風吹簾草色青蓬池日暖猶寒冰陸郎斑駁想南去

開軒為倒雙玉珥連年同館少適意時向西山望朝氣

筆鈔爭題海嶽圖史成快補河渠志

時補草河渠志完始行

當湖

新水碧似烟君歸正值荷花鮮慚予日誦張鷹賦羨汝

先登賀監船平帆載去雙黛綠并折靈泉產名玉

義山艱於

得子二姬各產一男一女百年行樂能幾時萬事于今已差足潞河

春漲下溜遲高飛黃鸝還銜雌玉堂後夜如相憶但記

雙添半臂時

林官歌喜趙侍衛弟還里

趙郎束髮上計車  
圮橋親受張良書

殿頭對策首稱

旨特令交戟環周廬  
林官赫赫近天仗  
外府欣飛遠相  
向羊祜方班七萃中  
劉洪已冠千牛上  
宮門入佩大橫  
刀藥宿園邊有賜貂  
領護早攀丹禁柳  
思親還渡浙江  
潮鳴珂舊里宴嘉客  
堂上朱衣未頭白  
騶馬仍來蹋鞠  
遊緋袍看作斑  
爛色連江烽火動  
甌蠻時見戈船瀨上

還莫道書生使東越便教射虎向南山

越州太守行為許使君夫子作

越州太守賢且明分銅領竹稱專城門排五馬總神駿  
江浸一錢清復清高懷皎皎似裂帛手把殘編對賓客  
印篋虛涵海日紅書床斜映山花碧江東八邑留畫圖  
過江誰不知夷吾上林久已翔丹鳳大府方應見白鳥  
即今荆楚播捷伐尚有萑符想竊發但藉顏裴撫凍飢  
不須嚴助平甌越龍門教授感所私恩同掩骼兼埋髀

誰言黃雀銜花日只在雙熊畫戟時

過張吳曼草堂兼讀其所著梅花詩集有贈

先生好學恥漁獵不向枯毫闢給捷作賦真能嗣兩京  
記書何啻亡三篋梅花開落江水濱聯詩宛與花相親  
我來讀詩憶花好疎影暗香如有神草堂斜啟延海曙  
云是先生著書處萬軸緗幃幾樹梅慷慨留題不能去

客吳門喜遇金副使巡驛感贈

春風吹花度湖水畫船撾鼓橫半塘江南副史早行部



正當乘傳來吳閫西河遊人武丘客醉後重尋鄭莊驛  
都尉新從龍里還梁生適在皋橋側當年大雪辭蔡州  
使君雙旆移文樓邗江釣艇不能上隋苑柳絲空自抽  
春鶯朝啼暮還徙又見開衙白門裏此地相逢非偶然  
一望烟波泪如雨

輓甬上齊士虎

營丘兄弟皆負奇兩龍並起無雄雌僧彌既死法護在  
與之相對長歎歎高天熒熒日晶晶恍見當年好容貌

氣盛時傾稷下談興來每向蘓門嘯讀書萬卷絕簡編  
決機俄頃如流泉許之管樂已不媿肯與嵇阮相因緣  
無如遭逢嘆不偶幾度高齋種楊柳市門挾瑟且哀歌  
壚下攜錢快飲酒修文有名不得違著書未就將從誰  
但惜周嵩尚有母那知伯道竟無兒先生之季與予善  
每話難兄泪披面若過山陽歌此詞落日寒冰倘相見  
讀何使君夫子渡曹娥江哭父卷子書後

南昌亭邊日色黃伯倫臺畔環枯桑哲人乘風歸吳閭

上為列宿揚星芒遠溯家世本汜鄉廬江之後來山陽  
先生早歲秉令望名同第五饒文章當時四友稱荀羊  
于今遺策隸太常太丘有嗣誇二方長者早駕天閑驥  
南驅閩嶠東越疆已經獎異稱循良將迎鳩杖銜霞觴  
忽然日蝕東壁傍越人聞之心感傷有如秦相五穀亡  
童子出涕春不相方行四制挽轡縵山公起復義不妨  
使君哭之心轉瘍試看東渡曹盱江長歌一字一斷腸  
從來虞殞能導喪哀吟不復調宮商我今欲和徒徬徨

歌聲欲絕哀未忘

烏兔歌為雙壽作

金烏熠熠顧兔驕東公丹棗西王桃當筵進獻祝船背  
不用鼓琴歌綠腰蟠根仙李舊闕閱曾擅文章跨東浙  
為訪林泉憶素游因思高蹈追前轍閨中偕老同古稀  
賓朋扶杖相攜持庭前兒竹當風長階下孫枝帶雨肥  
雙飛黃鸝舞秋節正值重陽酒盈榼欲識朱顏對面紅  
且把黃花滿頭插

雙壽詩

君不見扶桑日出海月明東西相望相隨行中山有鳥  
自銜羽每偕顧兔幽崑生弘農丈人秉高蹈籊籊魚竿  
有同釣龍里由來重朗陵鹿車自昔推桓少東湖花發  
水滿堤湖邊日日生光輝種將綠竹能棲鳳採得清荷  
好製衣只今初度共皇覽錦悅還同繡弧展書借簾鬚  
裊篆雲花從酒面生螺盃清秋良日佳氣新門前流水  
如車輪笑他瑤島偷桃客即是金門索米人

為沈表兄題夫婦行樂圖

吳興丈人年古稀齊眉尚有衣巾綦東公西母共行樂  
一時爭看雙鸞棲丈人胸懷坦如夫上友黃農作知己  
初住東江花港中移在西湖藕塘裏沿湖十里種夏蓮  
紅蓮倒影清波間閨中畫入非無意好比湖波作鏡看

李太夫人大壽

昔者魯國上母壽宋宗坐賜朝堂中武昌太君就饗列  
丞相下拜王茂宏惟我夫子職副相暫筦稼計留司農

高堂白髮久迎養

誥進五色祿萬鍾園冬大臘獻花餃錦悅當筵覆琬琰  
蝶勝先春集絳幡獸鑪著地圍紅毯登堂齊捧金屈卮  
門生故吏盈前墀添籌不用蕭何箸舞綵還披羊續衣  
獨憐庭下秀玉樹年少曾經入鼇署繞膝時從東觀還  
懷鄉正值江南去江南萬里風物清

王師况復收昆明西來紫貝雙函發南望彤雲百疊生  
春陽將至日皦皦綵茵銜翹拂青鳥但看天邊下玉書

便起堦前拾瑤草

西河集卷一百六十六



欽定四庫全書

西河集卷一百六十七

翰林院檢討毛奇齡撰

七言古詩

十三

飲金十四娘園看草花同姜九廷幹呂四洪烈  
羅大坤吳大棠禎張二錕卽事

櫻桃初熟梅子酸草花爛熳開東園叢叢日下好顏色  
青黃紫白藍綠丹燔魚盈盤酒盈筓履烏紛紛集前榭

龍澗何曾在洛陽  
辟疆不復稱吳下  
當筵插得花數枝  
短簫橫笛吹差池  
最憐垂老看花客  
醉倒花前花不知  
奉謝分巡許元功使君夫子薦舉抒意

康熙建午之一月

朝廷下詔求俊良  
華門蓬輦有佳士  
不惜中外交推揚  
大臣御史中執法  
爭捧

徵書覆黃牒  
江東節度文教優  
壁馬干旌日三接  
慙勤  
但問章句儒  
兼誥著作通羣書  
上鋪

聖德下華國東帛誤投窮巷居蚕蛭翕翅傍椳櫺只羨  
鴻飛度遥海碧石難將白壁求駑駘不用黃金買使君  
獎士多過情品題一過增聲名滕公按劍知韓信文舉  
封章薦襴衡輅車旁午詣縣舍再拜傍徨謝車下主父  
無錢那入關王良多病難隨駕結髮受書通一經妄思  
載酒窺書城手讎三豕久不定胸貯五龜全未能弱歲  
出門覓衣食老大還為道傍客吹篴半世罕見聞解缺  
三彈有誰識方今

聖主真好文東觀學士如雲屯朱鷺作歌奏司馬白麟  
有對來終軍以茲荒謬廁其後母乃強合猶與薰郡國  
限年恐致詰安平進賞將焉存生平忼懽感知已挺刃  
願報國士恩祇求厚地掩薄劣莫使庸材負賢哲不然  
姓豈石隱人何必躬耕待三節菖蒲花發伏枕餘病中  
猶改金銀車倘能鑒此陳情疏豈敢還呈却聘書

別馬廣文作

龍門百尺中天啟迴視天孫碧雲裏藻影翻成北海魚

桃花瀉作申江水傳經自昔推  
馮融果然絳帳來扶風  
當年賦笛已擅絕只今秉鐸  
猶稱雄春風吹花遶書屋  
長啟清罇倒醺醪香飯晨炊  
首宿寒菘羹夜汎芹絲綠  
檐榴初發紅滿枝歸舟欲渡  
千回思龍門多少溯從意  
半在鱸堂對酒時

桐城姚孝廉文焱見贈感賦

皖江才子系有虞十年獻賦  
升公車虛懷早授京費易  
健筆欲著梁陳書名高四海  
久推重到處人爭識麟鳳

袁氏通侯半在門王家雋士皆羣從秋風吹潦江水清

畫船遠渡來西陵但知花縣看常棣

時訪其弟明府蕭山

那道橫

江採杜蘅新詩璀璨似珠玉不惜閒題寄蘿屋車下還  
招季布魂酒酣重擊高離筑鄉人刺促去住難蹙將短  
景投吳闔高軒在望欲御晚翹首半天珠斗寒

介丘吟為姚明府作

生平不敢入燕薊金臺空復求乘黃潛登太行苦服輓  
道傍何處逢孫陽從來美好善謠詠啼駛一聲隳衆芳

誰知負局有弘量，鎔成冰鑑如秋霜。攜之日月且增耀，  
照見瓦垸皆有光。皖口舊家聯譽望，吳興才子多文章。  
漢儒初試考功法，唐相自饒應變方。壠草春耕勸田叟，  
隣烽夜靜降甌王。試淬干將欲鳴匣，爰收竹箭方在房。  
世人誰可與儕伍，惟此乃得當門牆。清秋銀漢甫灑瀨，  
新蒲獵獵生野塘。乳燕學飛爭去壘，枯螢垂死猶棲囊。  
泰山巖嶮倚天半，梁父介丘羅四傍。結根萬仞得所託，  
浩然一顧天風長。

西湖將軍歌

秀江橋下春水生  
綠橋幾曲春花明  
燕山大將開幕府  
千里不聞枹鼓驚  
當年挾策上

金殿幸奪翹關走飛電

仗下看披鵬錦衣  
宮門却賜花菰箭  
十年宛馬塞上騎  
親隨部曲漁陽兒  
桑乾風雪控弦去  
猶聽阿鞞當橫吹  
龍驤南下定三蜀  
遂駕樓船遣楊僕  
湖東既鎮後湖西  
每見投壺理軍曲  
從來名將不嫌老  
羨汝當年立功早



躍馬雖稱矍鑠難擒生終逐嫖姚好揮戈橫槩二十年  
生纔四十春風前桃花叱撥紅照眼擁麾江畔疑神仙  
宜春臺高秀江綠時共登臨看黃鵠記得前年江上亭  
共點醅酥倒醺醖是時春雨細如注幸與將軍倚庭樹  
落絮游絲濕馬蹄正在袁江最深處袁江草長花復開  
清江水漲空徘徊思君重憶亭前飲那得紅船載酒來

戊申三月旅亭夜讀東原宗元鼎所著新柳堂

集中有三詩專賦予瀨中事觸境生感因為

長句寄去隨筆無叙

憶昔行瀨中曾經射陽渡欲託東原宗鼎家風雨江關  
暗前路從茲奔走二十年每過隋苑心茫然名山不厭  
少文病破浪只思元幹賢前年白下遇難弟

謂鶴問

因宿

街西瓦棺寺龍躍雙垂海內名雁行單作天邊字思君  
但讀君著書因之遙識東原居芙蓉一畝共兩畝楊柳  
千株復萬株深堂楊柳想佳句初日芙蓉豈虛譽如何  
念及瀨中人不道瀨中從此去當時鼓柁渡水鄉蘆中

無復傾壺漿孔融兄弟遠難覓道傍獨立空傍徨潛行  
宛轉過江右記得湖東鄧老秀擊絮偏逢水漲時裝衣  
正值花開候逡巡流落淮汝間酒徒死盡誰能傳感君  
記事最忼慨使我泪流如涌泉春深三月返江汜垂柳  
紅橋夜低起為讀東原詩一編三乞隣燈酒家裏

陳掌院夫子生日作

在昔郡國應

制舉集賢學士居殿傍已徵詞業進祕閣尚未程試留

東堂執經曾向馬帳度遙見天邊白雲暮龍沼桐扶和  
嶠還鼇峰土負山濤去只今三載彈素琴紫芝產地烏  
棲林立朝久動荃宰戀移孝遠邀

宸眷深芸臺重掌入親近

詔遣黃門賜存問玉案親書第一班金華坐進登三論  
當年兩省薦拔人今來倅步清都塵分將黃紙當廳展  
擷得紅蘭滿座春老成端作後來式守正時時見容色  
進賢必欲辨驪黃斥偽何曾雜儒墨文章能起明宋哀

昌黎之後無雄才講筵高出陶虞上草制全從典誥來  
園冬暢月設弧夫正值

王師渡滇洱六詔軍書奏

玉除三雍文教開金齒大臣嘉績動簡編泰符高映蓬  
池邊第看天紀回星斗安用崧高誦歲年

南山篇奉祝平太翁年伯七十初度

載問次山  
尊人也

君不見南山之高高入雲上連閭闔開天門仙人環珮  
紛錯落日月光景相網緼阿翁七十好容貌欲與南山

等峭峭名法能傳韋慶成高懷不數岑公孝牆東寄跡  
追少微行游嘗著青荷衣風生南塢椒蘭發日出東園  
烏鵲飛即今初度誦皇覽矢絳寒蓬射來遠神授方函  
啟綠文賓隨曲巷開朱轡華鐘綺席次第陳清秋八月  
真良辰邀來閣下彈箏女舞罷庭前戲彩人庭前戲彩  
皆神駿千里聲名遠尤震馬氏由來重五常江東自惜  
推三俊南山巖嶮高復高稱觴進履多賢豪欲知絲紱  
垂麟角但看趨庭有鳳毛

李方伯生日

黃星熠熠臨江陽  
漸東漸西瞻景光  
鳴葭疊鼓樹六幢  
云誰開幕今藩方  
三韓家世遼海長  
從龍舊澤傳芬芳  
蟠根仙李枝葉揚  
惟公筮仕肇龔黃  
分司偉伐留西江  
晉階總憲肅紀綱  
三河萬里百辟良  
羣推觀察非尋常  
嘉名特達書

御旁

帝將簡之補袞裳  
惟此吳越稱巖疆  
東南克詰捷伐張

非公不足領上襄只今羽檄猶旁皇軍需自給廣武糧  
伊昔蕭相當漢昌關中餽饟連戎行中原開府杜與羊  
嘗恢宛洛屯江湘矧茲甌越空陸梁不煩朝食揮櫓槍  
自慚垂老依梓桑猥蒙薦達登

帝閭車箱盈轡馬曳繮持觴不前應見諒高天尚見青  
鳥翔願隨青鳥同相佯

一聞上人畫鶴索題

自笑生來有仙骨年年相對鷺鷥棲談經拂塵擁高座



儼若仙驥橫天梯竹林鸚鵡靜無語寶塔雁王他自飛  
不隨丁令較去返豈與支遁相因依閒堂落筆起長嘯  
此間亦有凌霄姿

金學使曾陷賊中歸命途次感寄

浙河東下海濤坼曾啟龍門浙河側取士能如嘉祐年  
論文不數元和日機衡在望鮮軼才諸生並得乘雲雷  
醫師雜採及馬淳孫陽一顧皆龍駮誰知世事多反覆  
倏見烽烟起南服楊僕方隨下瀨軍趙佗幾篡番禺牧

王威赫濯恢七閩杜陵陷賊埋風塵青天見日撥雲霧  
今來重會三江春文昌熠燿動銀漢長夜漫漫有時旦  
百里相過不得前遙望雙旌泪如霰

暮潮行別朱公子簪原

春潮初漲曲江邊游子乘來申浦船水上桃花新帶雨  
城頭柳色正含烟主人邂逅忻相見邀我南樓啟歡讌  
黍酒傾餘綠玉盤芹莢汎作黃金線逡巡入夏歸去遲  
宛如家室相因依林鳩喚婦循檐下海燕攜雛出幕飛

長帆欲掛轉鐵鹿將向江頭別朱穆幾行愁雨為君傾  
一曲離歌倩誰續嗟君家世本畫輪聯翩華閥傳來新  
伊予何幸託杵白廡下定交如有神吳淞東去極海溪  
一望錢塘正瀾瀾他日相思欲寄書但看西陵暮潮起

奉謝何使君夫子有感

從來治郡稱第一廬江太宰何敬容即今於越踵良牧  
軒軒五馬如游龍山前文簿啓來碧花下印牀開去紅  
竹符初發罷征調誰謂東山有羣盜傍邑先傳諭寇書

明庭且下求賢詔龍門高峙渺百尺頓集平原舊時客  
自慚堦草漸飄零差向園桃比顏色負芻長自困泥塗  
豈料終逢晏大夫白璧儘教三獻去黃衣銜得一環無  
當時乞食渡淮浦無數淮流溉肺脯結襪交為國士歡  
投竿只道王孫苦十年側促懷舊心使君千騎方駸駸  
天涯壯士今還在仰視滕公泪滿襟

桂樹生玉芝歌為姜定菴京兆作

君不見庭前桂樹發素秋連蜷偃蹇枝相糾蟾蜍原向

根底宿鶯鶯儼從花下游忽然華幹產芝實玉筍漸看  
膚裏出三秀煌煌映列星六英燦燦承朝日豐脣麗肉  
白雪姿靈根翠羽生華滋墜露空濛如雨散吐雲繚繞  
似烟絲嗟君奕葉挺奇秀謝氏當庭燿清晝夾道朱輪  
有嗣英高堂白髮方長壽當年左掖曾草麻甘泉前殿  
揚朱華芝房一歌未絕響函德九莖還薦葩今來子舍  
奉甘旨斲借商山斲仙餌流膏沆瀣成酒漿瑞彩斑斕  
作金紫弧南一宿秋更明下應瑤草相敷榮不信但看

桂樹上團團唯有玉芝生

崑山徐母顧夫人壽

青銅畜修鱗不復生凡魚丹山產鷺鷥迥與羣鳥殊即  
今東海擅華胄有母賢名比仁壽徐藻原傳內子文顧  
家本是閨房秀清洋江畔采綠遲春能濯繭秋鳴機教  
兒嘗秉和熊志相士仍吟弋雁詩以此諸君奮皇路各  
向長安獻詞賦上苑爭傳花一枝當軒種得珠三樹慈  
恩寺裏曲江春兄弟皆為領宴人散饒羨遺東閣早留

甄日爰北門新今來錦悅懸高闈畫齒重重加綠髮但  
看殿帔賜朝霞儘使宮衣舞秋月君不見雍丘宋氏兒  
臚名相讓還相追娛親江夏遺綵服到今湖橘猶含緋  
又不見閩中陳堯叟兄弟三人兩殿首其一曾為知制  
臣尚恐慈親杖橫手猗嗟我母年六旬居然邁宋兼超  
陳且隨吳下稱觴客還慶庭前戲綵人

贈襄平李廣寧司馬赴兗州

任城司馬襄平豪腰懸鹿速金寶刀英年妙筆擅文史

翛然意氣干雲霄，鳳毛燦燦成五色。遠向丹山趁飛翮，  
望嶽重登杜甫臺。題詩應在匡衡宅，淮流浩浩到海迴。  
雙旌南下蒼雲開，他時載酒行春處。無數桃花傍澗來，

相望篇送陸少叅督餉江南

從來執法推鯁直，前有陸杲後目山。相臣初避道路去，  
內戚不上街樓看。何者參政儼宗邸，為使直指爭往還。  
將施赤棒先白簡，此事乃在順治間。  
先皇駐蹕御南苑，親召副相連臺班。



特令出衆宣口敕謂此不負柱後冠方州節鉞久未振  
請借高峻風人寰中朝豈是厭汲黯出刺乃欲重薛宣  
鼎湖龍去年又年此翁歸卧江楓寒今來循次游長安  
殿中多薦識面官五都列岳未為薄六路轉餉將誰嫻  
東南惟恐竭民力

天子乃遣專事權公整往足肅吏治清廉不用支官錢  
我今相送思贈鞭臨風如汎丹陽船長干醜酒興自遠  
西浦輸粟心長閒計臣應受鵲袍賜賓從但從牛首觀

莫言是地少風憲曲巷舊有王僧虔太微南下四星澗  
相望儼若居臺端到官莫厭芻粟廩待君仍在螭坳邊

王二光祿生日夜飲有作

先生矯矯秉大節弱歲論文在於越薄宦朝看海上雲  
層樓晚掛山頭月京門對酒連歲年醉來長向樓前眠  
愛閒不畜雙鬟婢上義能輕五庫錢只今內府待入直  
門下還留孟嘗客况有當前羣從賢王家子弟烏衣宅  
樓頭開宴值早春燭紅酒煖春盤新恍然禹廟看花後

夜雨停舟鑑水濱

甬上段長史枉過闕候值其初度奉寄此詩

甬江樓畔花樹明  
灌門有路通蓬瀛  
慶元使君曳黃綬  
行部雨中來永興  
單車緩軸去呵雜  
肯為牆東繫朱鬣  
解珮慚無呂氏刀  
荒亭未設休源榻  
君家仕宦多似雲  
鳴珂舊里聲相聞  
鳳毛已布庭前綵  
驥足還留海上軍  
清和四月值初度  
弧矢應懸郡庭樹  
一觴欲獻未能前  
但望金峨海傍路

題畫

君不見丹山之穴千仞高上有朱鳳聲嗷嗷八方攬德  
久不下一朝奮翮求其曹朱光向日耀五采翠羽順風  
揚九苞低昂宛轉起雲表萬里相過向蓬島華池阿閣  
何處棲但見將雛舞來好春花滿岫露滿枝啾啾百鳥  
爭羣棲不分夏鳩并秋鳧後羅孔雀前山鷄簫韶不作  
至者鮮頰上金臺望中遠種得梧桐陰未成採來竹實  
香猶淺高堂展絹采色新就中威鳳當麒麟誰將東海

仙人宅寫作瑤臺天上春

題周斗垣先生採芝圖

商山漠漠環清溪溪邊輪囷產紫芝丹柯翠羽滿林谷  
絕勝三秀生銅池丈人採之嗅逾馥飢可餐之比梁肉  
獨坐幽岩白日長時見松陰下山麓洛中遺老百歲餘  
春來曾釣磻溪魚煌煌鞞鞞山前錦盡是當年綺里書

王生之雲中

白羊城邊白雪飛桑乾河上黃塵稀丈人拔劍不得意

西入塞垣何所依當年相遇共文酒朝向蕭江折新柳  
為君送作錦官遊同上溪南一回首淹留劍外春復秋  
更從嶺表尋羅浮木棉花發棲紅寺椰子盃寬汎白漚  
今來燕市負意氣屢上金臺騁騏驎拊篋誰憐樂殺來  
哀歌能使荆卿避去衣短後纓纓胡重逢擊筑隨屠酤  
層冰千仞方浩浩雁門千里跨飛狐自言碣石館難再  
將逐蒙恬望榆塞射虎從教太守驚椎牛尚有將軍在  
薊門歲暮雪未乾嗟予索米留長安青門欲餞苦不得

天街柳葉誰堪攀從來臘盡會春曉况復高名播來早  
若過新興肯望鄉鉛粉樓前有春草

寄祝江南方伯生日

芙蓉初發清江澣曉看天星照平楚關內蕭何本近臣  
徐州荀美將開府前時鵬奮湖水濱西陵相望多烽塵  
但瞻武庫歸南省並道文昌近北辰今來甲子喜新造  
正值長庚轉秋宿方岳能吟史克詩在朝共進申公壽  
秣陵九月佳氣新大功坊底羅嘉賓清罇欲獻無由達

思煞秦淮對酒人

送孫孝廉還里

去年八月桂子黃看君鵬鷲爭翺翔今年秋節又三五  
慷慨送君還故鄉君才卓犖世所羨曾在舍元膺名見  
司馬高文有賜金玉褒出使嘗乘傳芙蓉十里江岸長  
將歸且醉當壚傍滄江暫見蟄龍臥雲興霧捲旋飛揚  
河橋衰柳不堪折月滿當頭白如雪他日相逢杏苑中  
仍向花間看明月



汪錞選郎善事母值典試闕中得壽萱二字碑

洞摩勒以歸時太夫人八十遂預製扁額臨  
二字于堂以為慶索為此歌

潘居色養重鼎飪况入東曹倍謹凜秩閣頻遺赤館羨  
彩衣時覆仙郎錦驅車試士出渭橋秦碑漢篆闕中遙  
色絲未得諳雙纈綠字宛如銜九苞北堂日永秋尚早  
滿砌丹萱正姣好石闕呈來古籀殊畫梁標出旌簾曉  
蒼龍乍轉花滿欄銀幡未賜開春筵稱觴長跪進壽考

思綸照映相鮮妍養堂不用啟京邸紫帔金章錫來喜  
瑤島羣看詠白雲宛向中庭奉甘旨曾參見肉思養親  
從來孝感偏能申請觀額上丹砂字好慰堂前白髮人

桐城方栲舟又申父子枉贈簡和

北風梢槭銀杏黃寺門雙樹塗嚴霜龍眠高客作寒旅  
回首一看江路長當年地甲冠雲額門十朱輪戶三戟  
舊業金張總陸貂君家兄弟真連壁十年獻賦厭計車  
曾膺監郡占刑書天時人事忌太盛好女善謠能嫉予

浮雲曖曖水沈木孔雀刺金不辭辱遠戍嘗經紫塞還  
穹廬蹙就黃花宿今來訪舊游永興將車季子方趨庭  
嚴城蕭寺苦寥廓有鶴帶雛梳羽翎翱翔千仞下視小  
况當鳴和臨秋曉韋賢父子一經傳徐氏詩篇六朝好  
謂予失職志不平天涯一見旋留情同為斯世沉淪客  
那惜臨觴感慨生長歌贈我最斐妮揮毫書滿元興紙  
愁心百折和來難把卷踟躕不能已

范母錢夫人輓歌詞

夫人家本錢王喬閱閱崔嵬紹蘭泣紫燕長迴朱雀航  
丹輪時度鳴珂里閨中日出臨繡牀刺來黼黻多文章  
因吟柳絮過庭下為採葛覃歸道傍錦屏初啟射烏雀  
正值當堦覆紅藥司馬譚公實我私侍郎修睿曾為灼  
于歸帝里舒綵函尊章簽判來淮南在堂相繼赴幽室  
苦捐珠釧埋金蠶夫君文譽播禹甸十載登壇領羣彥  
自脫牛衣上計車每銜鶴牘升金殿慨然攬轡佐惠文  
命留司法南康軍日周外豻有紅粟私顧在房無綺裙

但聞平反始置酒况復平漕并履畝綰綬恒兼盱水符  
分章遂佐新安守驚湖鹿洞講席開曾同論秀掄奇才  
經傳韋母朱帷下文似曹昭東觀來最憐大澤釀遺蘖  
道蘊抽刀白如雪能令降鹵偃前矛那道歸藩擁高節  
戈船北發經險灘軍輜下瀨浮來難長年四顧督郵怒  
先生掉臂歸林間蕭然一望復何有餉盃如賓在隴畝  
井畔新栽阿母花橋頭再種先生柳趨庭繼起皆鳳毛  
烏衣子弟真賢豪陶門有教比鍾郝伏女授經來賈晁

誰知一旦馭雲路桂旒蘭旌遠相赴天上爭看製錦來  
閣中尚記題詩處車前執笏鈴欲搖道傍虞殯還吹簫  
碧玉樓中月皎皎白楊樹裏風蕭蕭螭蟠石闕類雜組  
窈窕玄埏似幽府我欲私題哀誄詞又值城南下寒雨

依韻答徐生我剛見贈長句兼送其客益州

生年徒擁漢官尺不度江天萬層碧但挾康成車後書  
誰窺孺子門邊蓆君家奕葉擅雅騷館亭驛壁長揮毫  
明星貫胸影歷歷飛泉倒峽聲嘈嘈回思昔日鍛柳下

曾誓乘車并乘馬不謂伊人已殞霜頓令斯道如長夜  
多君兄弟能自見各赴隋宮與梁殿但得文章慰世思  
不須俯仰看人面衡門寂寂時緯蕭雖居市里同漁樵  
避人時過雙流澗作客還登萬里橋予也甫賦歸去來  
相逢把臂方徘徊湖山皦皦宛在望此中尚有孤山梅  
忽爾所思在遠道春江轉棹心悠哉勒銘自埽峰頂雪  
題柱將披石上苔此日情親誼不薄且送平原赴京洛  
他年卜室想比隣願竚吳山待君築

天姥詞祝吳夫人生日

朱鷄拂羽吹南薰荷花滿池開綠雲華堂清晝懸錦帆  
嬌絲脆管朱紛紛夫人自昔稟修姁曾佐盧龍舊司馬  
雲閣同傳玉篋書繡牀再弄金釘瓦兩家勲伐奕葉通  
往來車轍如游龍只今繼起餘三秀尚攬青氍毹上宮  
從知珠樹生瑤圃赤文重啓藏書府若欲仙盤挹紫霞  
但祝秦屏似天姥

西河集卷一百六十七